

Ensím ehf.  
Suðurhrauni 2  
210, Garðabær

23. mars 2021  
UST202006-303/F.K.  
07.05.02

### **Niðurstöður eftirlits í kjölfar ábendingar um vanmerkta efnavöru hjá Ensím ehf.**

Umhverfisstofnun barst ábending um að efnavara sem var boðin til sölu hjá Ensím ehf. uppfylli ekki kröfur efnalaga nr. 61/2013 varðandi merkingar.

Um er að ræða eftirfarandi vöru sem Ensím ehf. er ábyrgt fyrir markaðssetningu á:

<b>Vara</b>	<b>Strikamerki</b>
Sítrus, nuddpottahreinsir	5690947350067

Farið var í eftirlit í verslun og eintak af vörunni tekið til skoðunar. Eftirlitið leiddi í ljós að varan uppfyllir ekki skilyrði efnalaga nr. 61/2013 og reglugerðar nr. 415/2014 um flokkun, merkingu og umbúðir efna og efnablandna, sem innleiðir reglugerð (EB) nr. 1272/2008, ásamt reglugerð nr. 300/2014 um þvotta-og hreinsiefni sem innleiðir reglugerð (EB) nr. 648/2004.

Um kröfur til merkinga og frávik frá þeim sem eftirlitið leiddi í ljós vísast til eftirlitsskýrslu sem er send til eftirlitsaðila með rafrænum hætti.

**Umhverfisstofnun veitir Ensím ehf. frest til 7. apríl 2021 til að senda stofnuninni afrit af merkimiða á innri umbúðir sem er uppfærður með tilliti til merkinga skv. reglugerð nr. 415/2014 og skv. reglugerð nr. 300/2014 sbr. nánari útlistun í meðfylgjandi eftirlitsskýrslu.**

**Úrbætur skulu sendar Umhverfisstofnun merktar málsnúmerinu UST202006-303. Rafræn skjöl sendist á [ust@ust.is](mailto:ust@ust.is).**

**Jafnframt er gerð sú krafa að vörur á sölustað verði endurmerktar með rétttri merkingu þegar hún liggur fyrir og hefur verið staðfest af Umhverfisstofnun.**

Umhverfisstofnun veitir Ensími ehf. hér með frest til 7. apríl nk. til þess að koma sjónarmiðum sínum á framfæri, sbr. 13.gr. stjórnisýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrsla verða birt á vefsetri stofnunarinnar 31. mars nk. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar með rökstuðningi fyrir 31. mars nk.

Umhverfisstofnun vekur athygli á því að þótt aðeins séu gerðar kröfur varðandi þessa tilteknu vöru gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 30 gr. gjaldskrárinnar. Komi ekki til frekari eftirfylgni eða beitingar þvingunarúrræða í þessu máli verður ekkert gjald innheimt.

Upplýsingar um flokkun, merkingu og umbúðir efna og efnablandna má finna á heimasíðu Umhverfisstofnunar<sup>1</sup>.

Fyrirtækinu er velkomið að leita til sérfræðings stofnunarinnar, Fífu Konráðsdóttur, til að fá nánari upplýsingar um skyldubundnar merkingar í síma 591 2000 eða í gegnum netfangið [fifa.konradsdottir@ust.is](mailto:fifa.konradsdottir@ust.is).

Virðingarfyllst,

Fífa Konráðsdóttir  
sérfræðingur

Bergdís Björk Bæringsdóttir  
sérfræðingur

---

<sup>1</sup> <https://ust.is/atvinnulif/efni/flokkun-merking-og-umbudir/>